

Date – 01/05/2026

Time - 7:30 -7:40 Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. Mizoram Larsap General Vijay Kumar Singh chuan Delhi War Conference" hriatreng nana Delhi Vidhan Sabha-a hun hman "108th Anniversary of the Historic War Conference 1918" chu a tel pui.
2. Mizoram Assembly Speaker Pu Lalbiakzama chuan buaina reng reng chu tharum hmanga chinfel chi a ni lo a, dawhkana chinfel chi zawk a ni tih a sawi.
3. Prime Minsiter Narendra Modia chaun ram aiawha palaite chu India tana hlawkna tur ngaihtuah turin a chah
4. Vawiin atangin Promotion and Regulation of Online Gaming Rules,2026 chu hman tan a ni dawn.

<><><>

GOVERNOR

Mizoram Larsap General Vijay Kumar Singh chuan Delhi War Conference" hriatreng nana Delhi Vidhan Sabha-a hun hman "108th Anniversary of the Historic War Conference 1918" chu a tel pui.

Nimin khan khawvel indopui pakhatna hunlaia India atanga British ho tanpui dan tur ngaihtuaha inrawnkhawmna hi hman niin, Larsap chuan sipai dik takin lawmman a um ngai loh thu sawiin, mawhphurhna, zahawmna leh inpeknate hmangin ram tana thil tha thlen turin a bei zawk thin a ni, a ti a. Indopui pakhatnaa thawh hlawk tak India-in a phu anga hriat a hlawh tawh loh thu sawiin, sipai nuai 13 chuang tirh chhuah zinga 74,000 dawnin an nunna an chan phah a, hengte hi India Gate-ah hriatreng tawh turin a chuang a ni, a ti a. Mihring mai bakah India chuan sum leh pai leh hmanraw mamawh hrang hrangte pawh ram dang awpna hnuaia awm ni chungin a tum sak teuh thu a sawi a. Indopui pakhatna avanga India sipai nunna hlu tak chante chu zah taka hriatreng an nih tawh tur thu a sawi bawh.

Thupui atan “Pratham Vishvayudh aur Bharat,” (Khawvel Indopui Pakhatna leh India) tih chu hman niin, Larsap chuan hemi hriatrengna lehkhabu “Proceedings of the War Conference held at Delhi, 27th-29th April 1918,” tih chu a tlangzarh a ni.

<><><>

AMC ELECTION REVIEW

State Election Commissioner Dr. H. Lalthlangliana hoin nimin khan Aizawl Municipal Corporation inthlanpui 2026 thlirletna hun hman a ni.

SEC Pisa a hun hmanah hian Dr H. Lalthlangliana chuan inthlanpui boruak muanawm tak hnuai neih zawh a nih avang leh tuang taka result chhiarna hun neih a ni chu lawmawm a tih thu a sawi a, chumi atana MPF leh Political Party ten tha taka an thawhpui avanga lawmthu sawiin sawrkar hnathawk inthlan kaihhnawiha mawhphurhna nei zawng zawng ten an chanpual tha taka an hlen chu lawmthu a sawi baw a, election officials duty tura ruatte zingah an duty laia tawhsual taw a awm lo leh rilru leh taksa emaw chhungkaw lam emaw harsatna avanga thlak ngai an awm lo chu Pathian kaihhruaina a ni tih sawiin, Model Code of Conduct chu he thlirletna hunah hian a tawp nghal thu a sawi a, AMC term intanna hi District magistrate hmaa oath-taking an lak ni atanga chhiar tur a nih thu a sawi baw a ni.

Commissioner hian tum danga la tih ngailoh tun inthlanpuia an hmalakna hrang hrangte a tarlang a, chung zingah chuan home voting hlawhtling taka an kalpui thei te, SEC Office-a Persons with Election Duty (PED) ten vote thlak a ni ta te leh EVM-a vote chhiar theih loh harsatna thleng tha taka chinfel a ni thei te chu lawmawm a tih thu a sawi a ni.

Tun tum AMC inthlanpui ah hian Ward – XIX/6 Hlimen – 1 ah vote tla tha ber in, vote nei zawng zawng atanga za zelah 77.72 in an thlak a, vote tlak chhiatna ber chu Ward – II/3 Bawngkawn – VIII Polling Station-ah niin, vote hi za zelah 39.30 a tla a ni.

Thlirletna hunah hian MPF lam aiawh te, Political Party hrang hrang aiawh ten inthlan tha taka zawh fel a ni ta chu lawmawm an tih thu sawiin, hmasawn ngaihna lai hrang hrangte sawihona hun hman a ni baw a ni.



ASSEMBLY SPEAKER

Mizoram Assembly Speaker Pu Lalbiakzama chuan buaina reng reng chu tharum hmanga chinfel chi a ni lo a, dawhkana chinfel chi zawk a ni tih a sawi.

He thu hi nimin khan Parade Ground, CTI, Sesawnga Hmar People's Convention-Democratic (Lalhmingthanga Sanate's Faction) ten Mizoram sorkar hnena silai an tunna hunah sawiin Speaker chuan, inremna an nei chu HPC Area a chengte tan chauh ni loin Mizoram mipui zawng zawng tan remna a pawimawh a ti a. Inremna chu tu tan pawh thil tha a ni tiin, buai a vangin HPC huam chhungah kum 25 chhung ngawt hmasawna hma thawh a khaihlak phah a, tunah erawh tuang takin hna thawh a ni thei dawn ta a ni, a ti.

Assembly Speaker Pu Lalbiakzama chuan, sorkar in Hmar hnam area a ngaipawimawh tih sawiin, tun hnaiah pawh Tuivai Lei (Bridge) dawh zawh a ni leh tawh a, hei hian inzawmna tha bakah ei leh bar lakluh kawnga hmasawna a thlen a, mipui pawh an lawm hle a ni tiin a sawi baw a ni.

HPC-D (LF) mi leh sate hi mi 43 an ni a, an ralthuamte chu Mizoram Sawrkar aiawhin IGP H Ramthlengliana'n a lo dawng a. Ralthuam an tun zawhah tharum thawh zawnga che tawh lo tur leh ram leh hnam tana mi tangkai tak ni turin an intiam bawk. Ralthuam an tunte hi rifles 18, pistol 4, mortar 2, walkie talkie 8 bakah mortar mu leh silai mu eng emaw zat a tel a ni.



SUPPLY MINISTER

Supply Minister Pu B Lalchhanzova chuan Gas leh buhfai buk dik chu sawrkar thupui a nih thu a sawi.

Pu B. Lalchhanzova hian nimin khan Sorkar Kudam chu Teikhang SC-ah a hawng a, a hawnna inkhawm hi Teikhang Community Hall-ah neih niin, khualluan minister chuan gas leh buhfai buk dik chu sawrkar thupui a ni tih a sawi a, mipuite pawhin hruaitu dik an duh chuan dik taka thil tih chu an mawhphurhna a ni, a ti. Revenue Department lamah pawh a thawhpuite nen theih tawp an chhuah zel thu sawiin, Saituala Revenue Headquarters te pawh an thuam chak chho mek zel a ni, a ti.

Minister chuan mipuite nena harsatna leh mamawh inhrilh tawna hun remchang tak an hmang thei chu lawmawm a tih thu a sawi a, khawtlang hruaitute ngenna hrang hrang te pawh bawhzui a, theih tawp chhuahpui a tum thu a sawi bawk. Khuallian chuan hmasawna rualkhai tak nei tur chuan khawpui leh thingtlangah hmasawna a kal kawp a ngai tih a sawi a, huaisen taka mahni dikna chanvo hria a, hma lam pen ngam turin kalkhawmte chu a fuih bawk a ni.



ONION CULTIVATION

Agricultural Management Technology Agency (ATMA) Serchhip ten East Lungdar Block hnuaia Purunsen an chin tir chu an hlawhtling hle

ATMA Serchhip te hian E. Lungdar Block huamchhunga Chekawm khua Varhva Zauah chhungkaw engemawzat te chu Purunsen chu nikum November thla vel khan a chi kui tiah tirin, nikum December thlaah an phun tir a, heng Purunsen te hi kumin April thla chawhnu lam khan 'Kisan Gosthis' Programme hnuaiah hlawhtling taka seng a ni ta a ni.

Purunsen te hi Thenzawl Horticulture College atanga an hmuh niin, Purunsen thar chhuah te hi Chemical tel lo, Bawnggek leh Ar ek te bakah leilung hang hmang chauh a enkawl an nih avang hian an hriselin phai lam atanga man to tak taka Purunsen lei ngai lo a, tualchungah ngei thar ve theih a ni chu lawmawm an tih thu Purunsen chingtute leh ATMA Serchhip a thawktute chuan an sawi a ni.



ANIMAL HEALTH CAMP

Kolasib District AH & Vety Department leh Vawk Vulh Society buatsaihin nimin khan Free Animal Health Camp buatsaih a ni.

African Swine Fever ASF chungchang in hrilhhriatna leh Ran damlo a thlawna in entirna hun hi Joint YMA Committee Hall Vairengteah neih niin, he hunah hian Dr R. Zapaw Azyu SVO, District Vety Hospital Kolasib leh Dr. Laltlanmawii Hnamte VO Bilkhawthlir Block ten kalkhawm te hnenah vawk leh ranvulh dangten natna an tawh thin hrang hrang heng Foot and Mouth Disease (FMD), Peste Des petits ruminants (PPR), Classical swine Fever (CSF) leh Brucellosis chungchang enkawl dan leh natna hrang hrang laka in ven dan te hrilhin hun an hmang a ni.



Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



HOMS CONFERENCE

Prime Minsiter Narendra Modia chaun ram aiawha palaite chu India tana hlawkna tur ngaihtuah turin a chah. Heads of Mission Conference vawi 11 na New Delhi-a nimina neihah thusawiin Pu Modia hian Head of Mission Conference-a kalte kaihhruaina thuchah pawimawh tak tak a sawi a ni. He Conference hi Union Ministry of External Affairs buatsaih niin April ni 28 atnag 30 thleng khan neih a ni a. Ni thum chung hian Heads of Mission te hain yoga, brainstorming session te, tabletop exercise leh sawihona pawimawh tak tak an nei a. Khawvel politics hmasawna pawimawh tak tak an sawiho bawk a. Technology changkang chho zel chungchangte an ngaihtuah bawk a. Kumin HoMs Conference thupui hi "Reforming Indian Diplomacy for 2027" tih a ni.



PROMOTION AND REGULATION OF ONLINE GAMING

Vawiin atangin Promotion and Regulation of Online Gaming Rules,2026 chu hman tan a ni dawn a. Online gaming sector lama India-in kaihhruaina a siamah bungthar pawimawh tak a ni dawn a. He dan hmang hian ngaihtuahna thar him taka hman kawngah leh online gaming industry than zelna kawnga pawimawh tak a ni a. Hei bakah hian online-a pawisa khelhna chi reng reng khap a ni dawn a. Dan kalha che te na taka hrem an ni tawh dawn a ni.

